

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

-
271. Quis dispensare possit cum illegitimis religiosis in ordine ad
Prælaturas tam in quàm extra ordinem consequendas.

[urn:nbn:de:hbz:466:1-74477](#)

obtinere valeat, cap. I. de fil. presb. Barb. loc. cit. Navar. l. 3. cons. 9. de prab. Rebuff. in praxi loc. cit. num. 83. Sanch. l. 8. de marr. d. 31. num. 6. contra Sylv. v. beneficium. q. 11. num. 14. Jo. Andr. ad c. de fil. presb. in 6. Ac denique Episcopus cum illegitimo dispensare non poterit, nisi in uno tantum beneficio simplici, cum textus cap. I. de fil. presb. ubi Episcopo confertur haec potestas dispensandi, loquatur in singulari, Garc. p. 7. cap. 2. num. 50. Sa. v. beneficium. num. 19. Pass. num. 194. Azor. loc. cit. c. 3. q. 12. ubi idem sic aetiat, ut Episcopus habens alias à Trident. sess. 24. c. 27. potestatem conferendi duo beneficia simplicia, quorum neutrum est sufficiens ad sustentationem, id nequeat respectu Clerici illegitimi.

Questio 270. An hic nomine beneficij simplicis, in ordine, ad quod cum illegitimo dispensare potest Episcopus, veniant etiam dignitates & personatus, Canoniciatus, & portiones Cathedrales, non habentes annexam curam animarum, beneficium simplex habens annexum sacrum Ordinem, vel cui accessoriè tantum annexetur cura animarum; vel quid ex consuetudine prescripta, aut statuto jurato, vel confirmatio à Pontifice requirit legitimitatem?

1. Respondeo ad primum negativè: et si enim cura careant, ratione tamen præminentia, & quia curatis ferè aequiparantur, c. dudum. de elect. speciale dispensationem, nempe Papa, exigunt, c. fin. de filius presb. Suar. loc. cit. s. 5. num. 6. Azor. loc. cit. c. 3. q. 3. Less. l. 2. c. 34. n. 86. Pass. loc. cit. n. 195. Barb. de off. Ep. alleg. 45. n. 29. Garc. p. 7. c. 2. n. 53. & juxta hoc intelligenda illa restrictio c. I. de fil. presb. in 6to. modo beneficium (subintellige cui cura animarum annexa non est) sit rale, super quo per Episcopum valeat dispensari.

2. Respondeo ad secundum affirmativè: Canoniciatus enim Cathedralis, multoq[ue] minus Collegiate Ecclesia est dignitas, aut beneficium curatum; conceditur autem c. I. de fil. presb. in 6. absolute Episcopis facultas dispensandi cum illegitimis ad beneficia non curata, verumque id est, non tantum de jure antiquo, sed & post Trid. Suar. loc. cit. Azor. loc. cit. q. 11. Navar. l. 1. cons. 4. de fil. presb. Pass. n. 197. Idque etiam dum juxta illius decretum Canoniciatu[m] Cathedrale[m] annexus esset ficer Ordo; nam non tantum post obtinendam à Papa dispensationem ad sacros Ordines (cum per hoc non sit dispensatum quoad beneficium) poterit Episcopus jam dispensare cum tali ad Canoniciatum Cathedrale[m] Pass. loc. cit. Garc. loc. cit. n. 68. Less. l. 2. c. 34. dub. 18. n. 86. Verum etiam ante illam (quidquid sit de eo, num in tali casu valeret actualiter provisio de tali beneficio, saltem valeret dispensatio) Pass. loc. cit. ubi nimur Ordo ficer non requirit actu ad Canoniciatum (idem dic de alio beneficio non curato habente annexum sacrum Ordinem) sed intra tempus à jure statutum, intra quod obtainere potest dispensationem ad sacros Ordines. Archid. Anch. Lapus ad cit. c. 1. Azor. loc. cit. q. 15. Pass. loc. cit. Pirrh. ad tit. de fil. presb. n. 16. contra Zerol. Imol. & Gemin. ad cit. c. 1.

3. Respondeo ad tertium etiam affirmativè: Less. loc. cit. n. 87. Azor. loc. cit. q. 14. Barb. de off. Ep. al-

leg. 54. n. 24. Gonz. ad reg. 8. canc. Gl. 5. §. 7. n. 18. Pass. nu. 189. beneficium enim accessoriè unitum alteri non confertur per se, sed tantum accessoriè cum principali, cuius naturam & conditionem sequitur, AA. iudicem Pirrh. loc. cit. & licet ipsa dispensatio sit stricti juris, facultas tamen dispensandi concessa in lege Superiori est favorabilis, & latè explicanda. Sylv. V. beneficium. q. 7. Gemin. in c. is qui, de fil. presb. in 6to. Limitat tamen hoc ipsum Pass. nu. 199. ad beneficium simplex ita habens annexam accessoriè curam, ut beneficiarius non possit per se ipsum exercere hanc curam, sed solum habeat jus & onus curandi istas animas per Vicarium, ut & tunc necesse non est, ut habeat qualitates Parochorum, vel habentium curam animalium, puta eratam, scientiam &c. secùs si ipse exercere potest actum jurisdictionis spiritualis circa illas animas, ed quod tunc beneficium hoc mutatum sit, & transierit de simplici in curatum. Vide de hoc Barb. de off. Ep. p. 1. tit. 2. Gl. 17. n. 41. & ad c. ult. de officio Vicarii.

4. Respondeo ad quartum negativè: Less. Pirrh. loc. cit. Azor. loc. cit. q. 12. Pass. nu. 200. remittens ad Franc. & Gemin. in c. I. de fil. presb. in 6. ubi uterque n. 8.

Questio 271. Quisnam dispensare possit cum illegitimis religiosis in ordine ad Prælaturas, tam in quam extra Ordinem consequendas; suppono enim cum communi (de quo vide Suar. cit. l. 5. n. 18. Pass. n. 207.) contra Gratian. & quosdam alios, referentes pro se plures canones, non posse ullà vita probitatem sine dispensatione tolli hanc inhabilitatem, utpote non fundatam in delicto personali, sed in vili conditione, & quadam indecentia & infamia orta ex eo, quod natus quis sit ex turpi parentum incontinentia, ut Suar. loc. cit. n. 5.

1. Respondeo primò: jure communi id potest solus Papa cit. c. 1. & c. fin. tit. eod. Rodriq. to. 1. qq. regular. q. 13. a. 6. Pass. cit. c. 25. n. 208. Suar. & alii plures contra Peyr. in prel. q. 2. c. 5. num. 143. quatenus putat facultatem dispensandi in irregularitate ex delicto, quæ competit Episcopo, adeoque etiam Prælatis regularibus respectu suorum, utpote favorabilem, extendi ad irregularitatem illegitimitatis, saltem dum occulta est. Verum rectè dicitur verba non esse extendenda ad sensus improprios, & abusivos, ut hic fieret, cum juxta communem intelligentiam illa irregularitas sit ex delicto, quæ est ex delicto personali. Pass. loc. cit. insuper major est irregularitas orta ex defectu naturalium, quam ex delicto personali. Pass. ibid.

2. Respondeo secundò, posse nihilominus ex privilegio concessò mendicantibus à Sixto IV. revocato quidem à Sixto V. restituto tamen à Gregor. 14. ut etiam videtur est ex mari magno Prædicatorum, Minorum, Eremitarum, Carmelitarum apud Lezan. §. 42. 44. 49. &c. & ex const. Pauli III. pro Societate, quæ incipit licet debitum. Superiores Regularium (puta Generales, Provinciales, eorumque Vicarios, Superiores locales, attendendo tamen in hoc cujusque religionis specialia statuta, & consuetudines. Pass. nu. 216. & seq.) cum suis subditis illegitimis, quoad dignitates, prælaturas, administrationes, officia sui Ordinis (inter

quz

qua etiam numerantur beneficia regularia, qua per religiosos administrantur sub obedientia & gubernio religiosorum Praetorium, quale v. g. est officium parochi dispensare. Quin etiam multas Religiones habere à Sede Apostolica privilegium dispensandi cum Monialibus sibi subjectis, ut non obstante illegitimitate possint esse Abbatissae, & id revocatum non esse à Tridentino testatur Fagn. in c. ut fili. de fil. presb. n. 53. citans Sanch. in decal. l. 5. c. 5. n. 20. Rodriq. q. 13. a. 22. Porro non posse id illos nisi cum Capitulo generali, vel provinciali, vel intermedio juxta const. Greg. XIV. qua incipit: *Circumscripta*, & sine votis saltem diffinitorum, ubi tales sunt, tener communis Rodriq. loc. cit. a. 6. Mirand. in manuali Praet. t. 1. q. 19. a. 3. Nihilominus posse id modò Superiores solo sine capitulo, sicut prius ante constitutionem Sixti V. fuse probat Pass. a. n. 113, putatque etiam num. 121. solum Papam posse dispensare cum illegitimo, ut fiat Generalis religionis.

Questio 272. Ad que Ecclesiastica munia & beneficia specialiter, tam jure antiquo, quam novo Tridentini prohibeantur eligi, vel quocunque alio modo promoveri filii illegitimi Sacerdotum, aut aliorum Clericorum?

Respondeo: obtinere nequeunt ullum beneficium, aut etiam ullo modo ministrare in Ecclesia, in qua eorum pater habet aut habuit dignitatem, Canonicatum, parochiam, aliud nec beneficium, aut ex officio ministravit; insuper ne pensiones super fructibus beneficiorum, quæ parentes eorum obtinuerunt, habere possunt. habentur hæc c. ad presentiam. c. præsentium, c. conquirente, c. cum decorum, de fil. presb. Trid. sess. 25. c. 15. de reform. idque non tantum ideo, ut omnis species hereditaria successionis evitetur (quod etiam concernit filios legitimos presbyterorum) c. apostolica. 7. q. 1. c. ad extirpandas, & c. ad hec. de fil. presb. Verum etiam ut memoria paterna incontinentia quam longissime pereat ab Ecclesiis, & ut ait Less. l. 2. de Iust. c. 34. n. 88. quia sedum est, ut sic toti populo exemplum paternæ incontinentia, velut cum præmio ac dignitate assidue ostentari. Multo que magis, & quidem in individuo per text. c. cum decorum. de fil. presb. vetatur filius illegitimus habere in eadem Ecclesia beneficium, dum illud participat in servitio altaris cum beneficio patris, eo quod vel sic facile contingere posset, ut illegitimus filius in altaris officio ministraret impudico patri, in quo unigenitus Dei filius aeterno Patri pro salute humani generis visitatur, quod admodum probosum est, ut probat cit. textus Lott. l. 2. q. 48. n. 190. atque ex his jam constat longe minus posse filium illegitimum idem beneficium patris sui obtinere, ne quidem in commendam temporalem: aut etiamsi beneficium paternum mutaret speciem. v.g. ex portione factum Canonicatus. et si horum duorum contrarium innuat Lott. num. 209. & 210. nisi forte ibi loquatur de filio legitimo. Sed neque posse filium illegitimum obtinere beneficium paternum, et si aliquis tertius intermedius possedisset illud beneficium per triginta annos. Castrop. de benef. d. 4. p. 2. n. 2. Lott. num. 211. contra Gonz. Gl. 5. n. 33. censem non impediri filium illegitimum huic tertio succedere, cum videatur sic lapsu

tanti temporis existentia memoriam paternæ incontinentia, ut ea excitari nequeat ex hoc facto successionis; sed admisla etiam hac ratione, an non talis adhuc ministrat in Ecclesia, in qua pater ejus obtinuit beneficium? quod simpliciter vetatur.

Questio 273. Qualiter hoc ipsum extendendum & limitandum?

Respondeo primò: ut per illegitimos intelligantur nati ex fornicario concubitu non tantum post, sed etiam antequam eorum pater esset Clericus. Garc. p. 7. c. 3. n. 15. Paxjord. l. 10. lit. 11. n. 25. Barb. de pot. Ep. alleg. 65. Pass. c. 25. n. 239. contra Mirand. t. 3. q. 1. a. 10. Rodriq. t. 1. q. 13. n. 7. Item nati postquam pater renunciasset beneficio & Clericatu Pass. loc. cit. contra Paxjord. Item illegitimi legitimati per rescriptum Papale, nisi in eo expresse & specialiter sublata sit hac inhabilitas ad habendum patris beneficium, aut in Ecclesia, in qua is illud habuit. Laym. in c. 2. de fil. presb. n. 1. Sayr. de conf. l. 6. c. 11. nu. 30. Secùs est de legitimatis per subsequens matrimonium, quia talis comprehenditur sub nomine nati ex legitimo matrimonio, etiam in materia stricta. Gl. in c. innovat. de elect. Butr. apud Fagn. in c. ad extirpandas. de fil. presb.

2. Non tamen intelligantur filii legitimi per patrem illegitimum descendentes ab avo Clerico. Nepotes enim nomine filiorum non veniunt in odiosis, sed solum in favorabilibus, juxta l. Julian. ff. de rit. nupt. & l. patris. ff. de adult. Barb. ad cit. c. 15. Trid. n. 6. citans Castrop. Riccius in prax. p. 4. re-sol. 374. Sayr. loc. cit. c. 10. n. 46. Azor loc. cit. c. 4. q. 17. Pass. n. 228. citans plures alios. Navar. l. 1. conf. 9. de fil. presb. Fagn. ad c. ex transmissa. nu. 20. inquiens id hodie indubitatum, eo quod Greg. XIII. ex sententia S. Congregationis declaravit, nec constitutionem Clement. VII. qua incipit: ad Canonum Conditem; nec Trid. sess. 25. c. 15. obstat, quo minus nepos legitimus ex filio illegitimo possit obtinere beneficium avi, in tali enim nepote non consideratur incontinentia illa avita seu avi, neque persona nepotis est apta excitare ita memoriam illius incontinentia, sicut persona filii illegitimi sui patris Lott. loc. cit. Idque ut iidem AA. tam vivente quam defuncto patre contra Imol. Rebuff. Salzed. Host. Syl. Angel. Arm. Less. loc. cit. c. 34. num. 91. Pith. de fil. presb. n. 37. Laym. ad c. ad extirpandas. num. 2. qui tamen postea cum aliis apud Pass. loc. cit. admittunt posse ne- potem talem succedere immediate avo in beneficio, dum pater illegitimus adhuc vivit (eo quod tunc cesset ratio prohibitionis, nempe species hereditaria successionis; dum enim pater vivit, nepos etiam legitimus non potest succedere avo in bonis, sed pater est proximus haeres) secùs si mortuus est: nec putant hi AA. obstat sibi, quod ut dictum; nomine filiorum in odiosis non veniant nepotes, quia hanc materiam dicunt non esse odiosam, aut pœnale, sed favorablem, non quidem respectu illorum nepotum, sed Ecclesie, cum filii legitimi non repellantur à beneficiis paternis in pœnam, sed ob favorem & commodum Ecclesie. Laym. loc. cit. n. 2. quin & dum agitur de successione, vel quasi successione hereditaria, etiam post mortem patrum suorum, nepotes veniant nomine filiorum. Idem dicendum est secundum Castrop. de benef. d. 4. p. 2. n. 3, qui pro hoc citat Nav. conf. 9. de fil.